



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACION

Nº 35 / 2016

CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E A FUNDACIÓN EDUARDO PONDAL PARA O USO DAS INSTALACIÓNS DO CENTRO CALVO SOTELO PARA ALOXAMENTO E MANTEMENTO DE 45 NENOS E 11 MONITORES

Na Coruña, a 7 de marzo de 2016

REUNIDOS

Dunha parte, D. Xesús Manuel Soto Vivero, Deputado de Patrimonio, Contratación e Equipamento , en virtude da Resolución da Presidencia número 15671 de 27 de xullo de 2015 modificada pola número 16642 de 30 de xullo de 2015, pola que se lle delega competencia para asinar convenios da súa área, e

D. Xosé Lois García Carballido , presidente da Fundación Eduardo Pondal

EXPOÑEN

- I. Que a Deputación provincial da Coruña e a Fundación Eduardo Pondal consideran de mutuo acordo e de gran interese conxunto fomentar a igualdade de oportunidades para todas as familias do medio rural.
- II. Que a Deputación provincial da Coruña e a Fundación Eduardo Pondal consideran de mutuo acordo e de gran interese conxunto a estancia na Coruña de 45 nenos e os 11 monitores de tempo libre participantes neste encontro durante o período comprendido entre o 21 e 23 de marzo de 2016 para a realización de actividades.
- III. Que a Deputación provincial da Coruña e a Fundación Eduardo Pondal están interesados en facer uso das instalacións que a Deputación provincial da Coruña posúe no Centro Calvo Sotelo, para o aloxamento dos participantes no centro residencial.
- IV. Que a Deputación considera de interese provincial a realización desta actividade.

CLÁUSULAS

Primeira.- Obxecto.

O presente convenio ten por obxecto establecer as condicións de colaboración entre a Excma. Deputación provincial da Coruña e a Fundación Eduardo Pondal para a utilización das instalacións do Centro Colexio Calvo Sotelo da Coruña por parte dos participantes neste encontro, coa finalidade de fomentar a igualdade de oportunidades para todas as familias de medio rural.

Segunda.- Actuacións de colaboración.

1.- A Excma. Deputación da Coruña facilitará aloxamento gratuitos nas instalacións do Centro Calvo Sotelo aos 45 nenos e 11 monitores de tempo libre.

2.- A Deputación colaborará coa Fundación Eduardo Pondal para facilitar o acceso ás instalacións.

Terceira.- Achechas

3.1.- A Deputación provincial da Coruña aloxará gratuitamente no Centro Calvo Sotelo aos 45 nenos e 11 monitores de tempo libre, desde o día 21 e 23 de marzo de 2016.

A Fundación Eduardo Pondal seleccionará aos 45 nenos participantes, e encargarase de proporcionar os 11 monitores de tempo libre que coordinarán as actividades.

A Fundación Eduardo Pondal, como peticionario, farase responsable de calquera dano ocasionado polo mal uso das instalacións e como consecuencia das actividades obxecto de cesión. Así mesmo a Fundación manifesta que os gastos que se produzcan con este motivo serán asumidos pola mesma.

A Fundación Eduardo Pondal deberá subscribir un seguro de accidentes e de responsabilidade civil que cubra a todos os participantes das posibles eventualidades que se puidesen producir durante a súa estancia no Centro, debendo presentar a póliza correspondente con anterioridade á entrada.

3.2.- ACHEGA DA DEPUTACIÓN PROVINCIAL DA CORUÑA

A Deputación achega:

- a) As instalacións do Centro Calvo Sotelo, concedéndose autorización para a estancia e a manutención, que segundo a valoración do administrador da residencia ascede a 2.352,00 euros
- b) A Fundación Eduardo Pondal seleccionará aos participantes, e encargarase da realización das actividades.

A Deputación achegará en especie o aloxamento das citadas persoas, así como a manutención, quedando os servizos do seguinte modo:

- a) Aloxamento: as noites dos días 21 e 22 (que inclúe os servizos de lavandería)
- b) Almorzos: un total de dous, os días 22 e 23.
- c) Comidas: un total de tres, os días 21, 22 e 23.
- d) Merendas: un total de dous, os días 21 e 22.
- e) Ceas: un total de dous, os días 21 e 22

3.3.- A Fundación Eduardo Pondal fará constar nas actividades a colaboración da Deputación.

Cuarta.- Difusión do convenio.

A subxcripción do presente convenio non supón relación laboral contractual ou de calquera outro tipo entre as persoas que vaian desenvolver as actividades e a Excma. Deputación provincial da Coruña, de tal modo que non se poderá esixir a esta, ningún tipo de responsabilidade, nin directa nin subsidiaria, polos actos ou feitos acaecidos no desenvolvemento do mesmo.

Quinta.- Vixencia e modificación.

O presente convenio estenderá a súa vixencia desde o 21 de marzo ata o 23 de marzo de 2016, ambos os incluídos.

Sexta.- Resolución do convenio.

Son causas de resolución:

- a) Incumprimento das prestacións e obligacións establecidas nas cláusulas do convenio.
- b) Mutuo acordo das partes.

Sétima.- Natureza do convenio.

1.O presente convenio ten carácter administrativo rexéndose os seus efectos polo establecido nas cláusulas do mesmo. No non previsto, e co fin de resolver as dúbihdas e lagoas que puidesen presentarse, aplicánselle os principios recolleitos no Real Decreto Lexislativo 3/2011, do 14 de novembro, polo que se aproba o texto refundido da Lei de Contratos do sector público.

2.A xurisdicción contencioso-administrativa será competente para dirimir, na vía xurisdiccional, as cuestións litixiosas que puidesen xurdir da aplicación do presente convenio.

Faise constar que o presente convenio foi aprobado por Resolución de Presidencia nº 5104 de 3 de marzo de 2016 .

Leido o presente convenio, atópano conforme e asínano por cuadriplicado e en unidade de acto, no lugar e data indicados ao comezo.

POLA FUNDACIÓN EDUARDO
PONDAL



Xosé Lois García Carballido

POLA EXCMA. DEPUTACIÓN DA CORUÑA

O presidente, P.d.



Xesús Soto Vivero